



Tillie Martinussen
Inatsisartunut ilaasortaq

Assilinera Aningaasaqarnermut Akileraartarnermullu Ataatsimiititaliamut

Mittarfinnik aningaasalersuinissami isiginiagassat assigiinngitsut pillugit § 37 naapertorlugu apeqquq 100-2018-imut akissut

Brevdato: 15-06-2018
Sags nr. 2018 - 12222
Akt id. 8025771

Inatsisartut suleriaasianni § 37 naapertorlugu mittarfiit pillugit ataatsimut suliniutit aningaasalersorneqarnissaannut atatillugu pissutsit assigiinngitsut pillugit Naalakkersuisunut apeqquqeqarputit. Apeqquq uanga suliaasaqarfinit akissuteqarfigineqartussatut innersuunneqarpoq.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Aallarniutigalugu erseqqissaatigissavara mittarfinnik sanaartornissami sinaakutissatigut atugassarititaasut pillugit inatsisissatut siunnersuut Aningaasaqarnermut Akileraartarnermullu Ataatsimiititaliami suliarineqartussatut innersuunneqarmat. Ataatsimiititaliaq siunnersuummut isumaliutissiissuteqassaaq aammalu apeqququtinnut tunngassutillit ataatsimiititaliap suliaani ilaassasut ilimagineqarsinnaavoq. Taamaattumillu akissutip matuma assilinera ataatsimiititaliamut nassiukkusuppara.

- 1. Naalakkersuisut nalunaarutigisinnaanerlugu angalasut bilittinut qanoq angitigisumik akiliinerusalissartik naatsorsuutigissaneraat mittarfinnut akitsuutikkut aamma taamatut akinik qaffaaneq qanoq sivisutigisumik atasariaqassava, nunap immikkoortuini - aamma siunissami ukiuni qassini tamanna ingerlassava?**
 - 1 A) Aamma aningaasaliissutinut pisortat tapiissutissaat qanoq tunngaveqassappat? Tunngavigalugit silaannakkut angallannermi angallaviit imminut akilersinnaanngitsortai mittarfiit arlallit ataatsikkut sananeqarnerinut atatillugu?**
 - 1 B) Aamma tamanna akinut qaffaat ullumikkut kiffartuussinermut isumaqatigiissutini malugineqarsinnaassappat imaluunniit angalasut bilittiisa akiini toqqaannartumik?**

Akissut:

Apeqquqummut matumunnga apeqququtinullu tulliuuttunut akissummi aallaavigineqarpoq "Samfundsøkonomisk konsekvensvurdering ved udbygning af lufthavne, trin 2" (mittarfinnik allilerinissami inuiaqatigiit aningaasaqarnerannut kingunerisassanik naliliissut, alloriarneq 2), 2018-imi aprillimi Deloittemit suliarineqartoq.

Suliassaqarfimmi Naalakkersuisut anguniagarivaat sapinngisamik angalasut amerlanerpaasa akit ataatsimut isigalugit appariaateqarnissaat, imaappoq timmisartornissami billetsit aammalu angalasunut akitsuut ataatsimut isigalugit. Misissueqqissaarnerit ingerlanneqartut paasinarsisippaa, misissueqqissaarnermi tunngavigisat toqqammavigalugit, tamanna anguneqarsinnaasoq paasinarsisippaa. Akitigut aaqqissuussinerup inaarutaasumik ilusissaali pissutsit assigiinngitsut toqqammavigalugit ilusilersorneqassapput, maannamuugallartorlu taaneqartut tamakkiisumik ilisimaneqanngillat. Tassunga immikkut pingaaruteqarpoq sanaartornerni inaarutaasumik akiusussat aammalu angallannermi ilusissat nutaat isikkussaat, tamatumani mittarfiliortiterinerni aaqqissuusseqqinnerup kingunerisaanik allannguutissat.

Mittarfimmik aqqusaarnermut akileraarutit ilanngaatisat ilanngaatigereerlugit allannguuteqassanngitsut naatsorsuutigineqarpoq. Mittarfiit maanna MIT-imit ingerlanneqartut amigartooruteqartartut tapiiffigineqartarnerat eqqarsaatigalugit mittarfiit pillugit ataatsimut suliniutit ingerlanneqarnerata nassatarissavaa tapiiffeqatigiittarneq maanna atuuttoq ingerlaannarsinnaanngimmat MIT ingerlaannassaguni aningaasanut inatsit aqquutigalugu tapiiffigineqarnissamik pisariaqartitsilissammat. Aningaasalersorneqarnissamik pisariaqartitsineq tamanna Deloitteperiusissiaani ilaatinneqarpoq.

Paatsoortoqaqqunagu oqaatigineqassaaq Kangerlussuup timmisartunit suluusalinnit mittarfiujunnaarlugu heliportinngortinneqarnissaa periarfissatut siunissamut Deloitteper nalunaarusiaani takussutissiaq 1-imi naatsorsuutigineqarmat missingersuutitigut aningaasaqarneq tamakkiisumik oqimaaqatigiissaarfiussammat. Periarfissatut siunissamut takussutissiami 2-mi, tamatumani Kangerlussuarmi timmisartunit suluusalinnit, miffissaq 1500 meteri, tikinneqarsinnaanera attatiinnaarneqarluni, suliniutip piffissaq atuuffissaa tamarmiusoq eqqarsaatigalugu aningaasanut inatsimmi katillugit 100-nit 200 mio. kr.-inik pingaarnersiueqqinnissamut aningaasaqarnermik missingersuusiornikkut pisariaqartinneqassaaq.

Kangerlussuarmi miffissaq 2800 meterisut takitigisup attannissaanik periarfissaasinnaasunik takussutissiinernik ilanngussisoqanngilaq. Tamanna ilanngunneqassappat misissueqqissaarnissani aggersuni ilanngunneqassaaq.

Taamaalilluni angallannerup aaqqissugaanerata allanngortinneratigut angalasunut akigitat appariaateqassasut Naalakkersuisunit naatsorsuutigineqarpoq.

- 2. Eqqarsaatigineqarnikuua imaluunniit misissorneqarnikuua Kalaallit Nunaata isertitaasa kingunissai soorlu aalisagaqarfik aalisagaqarfiilluunniit ajalusuussagalupata imaluunniit isertitat allat Aningaasanut Inatsimmi ilaajunnaassagalupata?**
 - 2 A) Aamma tassunga ilanngunneqassapput akileraartartunut kingunissai inuutissarsiut imaluunniit inuutissarsiutit atorunnaassagalupata aalisapilunneq, saarulliilluunniit nikeriataarnerat soorlu pissutaalluni imaluunniit pisut arlaat pissutaalluni Aningaasanut Inatsimmi isertitat arlaat tassanngaannartumik milleriataassagalupata? Aningaasammi mittarfiliortiterit aningaasalersornerannut atorneqartussat akilerneqartussaapput.**

2 B) Allatut oqaatigalugu; Aningaasarsiornissamut periarfissat allat Naalakkersuisut eqqarsaatigaat ullumimut naleqqiullugu allatut isaatitsiniartalissagaluarutta - isertitallu annermik nakkariartorlutik??

Akissut:

Aalisarnikkut ajalusoortoqassagaluarpat tamanna nunatsinnut soorunami ilungersunartunik kinguneqassaaq. Inuiaqatigiinni isertitat tamarmiusut ikileriaateqassapput, taamaalillunilu akileraarutigut isertitat akitsuutillu aamma annikilleraateqassallutik. Aalisarnikkut isertitat annertuumik appariaateqarpata inuit nunatsinnit nunanut allanut nuuttut amerlinissaannik nassataqassasoq aamma naatsorsuutigineqarsinnaavoq.

Taamaattorli taamaattoqarsinnaanera ilimanaateqanngitsoq Naalakkersuisut isumaqarput. Tassunga atatillugu aalisarnikkut politikimik illersorneqarsinnaasumik ingerlatsinissaq Naalakkersuisunit pingaartinneqarpoq, taamaattorli aalisagaqatigiit assigiinngitsut ingerlaarnerisa allanngorannera imaluunniit aalisakkat avammut tunineqartut nunani tamalaani akiisa nikerarnerat allanngortoqarsinnaanera Naalakkersuisunit soorunami pinngitsoortinneqarsinnaanngilaq.

Nunatsinni aalisarnej annertuumik kinguariaateqalissagaluarpat inuussutissarsiornermi aaqqissugaanitsinni aalisarnerinnaq kisiat pinnagu allanik tunngaveqarnissaq iluaqutaassaaq. Mittarfiit pillugit ataatsimut suliniutini siunertarineqartut ilaat tassaavoq siunertap tamatumassersuutigalugu takornariartitsinnermit isertitat annertusitinnerisigut ikorfartorneqarnissaa.

Oqaatigineqareersutulli apeqquteqartup siunissamut takussutissiaasa piviusunngornissaat Naalakkersuisunit ilimagineqanngilaq.

3. Naalakkersuisut aallarniutitut akileeqaataassutissaat Kalaallit Airportsimut sumit akilerneqarpat? - Taarsigassarsinissamut atatillugu aallarniutissat suminngaanniit aaneqarpat?

3 A) Aamma aallarniutissat sinneri suminngaanniit aaneqassamaarpat?

Akissut:

Namminersorlutik Oqartussat Kalaallit Airports A/S-imut (KAIR) 2,1 mio. kr.-inik akileeqaataassutaasa aningaasalersorneqarnissaat 2018-imi aningaasanut inatsimmi konto pingaarnermut 10.13.11-mut, Aktiaateqarluni ingerlatseqatigiiffinnut toqqaannartumik aningaasartuutininut tunngasumut oqaasertaliussaq nr. 1-imi takuneqarsinnaavoq. Aammattaaq mittarfiliortiternermi sinaakkutissatigut atugassarititaasut pillugit inatsisissatut siunnersuutip aningaasalersorneqarnissaanut tunngassutillit tamarmik takuneqarsinnaapput.

4. Taarsigassarsinermut atatillugu aallarniutissanik aallertariaqarneq ingerlatseqatigiiffinnut kalluarneqartunut qanoq kinguneqarpa imaluunniit kontunut aallerfigineqartariaqarsimasunut, matumani eqqarsaatigalugit ingerlatseqatigiiffiit aamma aningaasanut inatsimmi kontut?

Akissut:

2018-imi aningaasanut inatsimmi takuneqarsinnaasutut Namminersorlutik Oqartussat KAIR-imut akileeqaataassutissaasa aningaasalersorneqarnissaanni ataatsimut isigalugu sipaaruteqarniarnissaq pilersaarutigineqanngilaq.

Sanaartornermut aningaasat atorneqanngitsut nunattalu karsiata sinneqartoorutaasa suliniummut atorneqarnissaat siunniunneqarpoq, soorlutaaq ingerlatseqatigiiffinit Namminersorlutik Oqartussanit pigineqartunit arlalinnit immikkut iluanaarutit ilaatinneqassasut.

Ingerlatseqatigiiffiit eqqarsaatigalugit taakku siunertamik piviusunngortinnissaannut akimmisaarutaasumik iluanaarutininik pissarsinissaq Naalakkersuisunit soorunami kissaatigineqanngilaq. Taamaattumillu immikkut iluanaarutinit akiliutit ingerlatseqatigiiffiit siulersuisunut ataqatigiissaarneqarput. Kisianni soorunami ingerlatseqatigiiffiit iluanaarutit pissarsiarisaminnik nutaanik aningaasaliinernut imaluunniit sullissinernik pitsanngorsaatisannut atorsinnaanngilaat, tamatumani ingerlatseqatigiiffiit nammineq suliassaqarfigisaani, aningaasat soorunami ataasiaannaq atorneqarsinnaammata.

Inussiarnersumik inuulluaqqusillunga

Pele Broberg